

Broj: 4258-18/18

Datum: 14.06.2018. godine

Na osnovu člana 21. stav 1. tačka c), člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 4258-16/18 od 13.06.2018. godine, u postupku javne nabavke usluga –**Interventno održavanje medicinske opreme proizvođača PHILIPS**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 4258-16/18 od 13.06.2018. godine i Ugovor za javnu nabavku usluga – **Interventno održavanje medicinske opreme proizvođača PHILIPS** dodjeljuje se ponuđaču „MEDPOINT“ d.o.o. Ilijaš, ponuda br. 01-06/2018, dostavljena dana 13.06.2018. godine, za ponuđenu cijenu od 95,00 KM bez uračunatog PDV-a za efektivni norma sat i za ponuđenu okvirnu cijenu do 15.000,00 KM bez uračunatog PDV-a za interventno održavanje koje će se plaćati po stvarno izvršenoj usluzi na godišnjem nivou, kao jedinom i najpovoljnijem ponuđaču.

Član 2.

Izabrani ponuđač je obavezan dostaviti original ili ovjerene kopije dokumentacije iz člana 45. Zakona o javnim nabavkama odmah po dobijanju Odluke o izboru najpovoljnijeg ponuđača na Protokol ugovornog organa.

Član 3.

U skladu sa članom 98. stav 2. tačka a) Zakona o javnim nabavkama prijedlog Ugovora o nabavci dostavlja se na potpis izabranom ponuđaču uz Odluku o izboru najpovoljnijeg ponuđača.

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **4258-2/18 od 14.05.2018. godine.**

Javna nabavka je sprovedena **putem pregovaračkog postupka bez objave obavještenja.**

Procijenjena vrijednost javne nabavke bez PDV-a je **cca 15.000,00 KM.**

Informacija o provođenju pregovaračkog postupka bez objave obavještenja i tenderska dokumentacija objavljena na web portalu Opće bolnice dana 28.05.2018. godine.

Komisija za nabavku, imenovana je Rješenjem broj: **4258-3/18 od 14.05.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o provedenom otvaranju inicijalnih ponuda broj: **4258-7/18 od 05.06.2018. godine,** Zapisnik o provedenom pregovaranju broj: **4258-12/18 od 08.06.2018. godine,** Zapisnik sa otvaranja konačne ponude broj: **4258-15/18 od 13.06.2018. godine,** Preporuku o izboru najpovoljnijeg ponuđača broj: **4258-16/18 od 13.06.2018. godine** i Izvještaj o radu broj: **4258-17/18 od 13.06.2018. godine,** u postupku javne nabavke usluga: **Interventno održavanje medicinske opreme proizvođača PHILIPS.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,

- da je ponuda ponuđača **MEDPOINT d.o.o. Ilijaš,** kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač **MEDPOINT d.o.o. Ilijaš** najbolje ocijenjen zbog:

najniže cijene

Redni broj	Naziv nabavke	Naziv/ime ponuđača	Ukupna cijena ponude bez PDV-a
1.	Interventno održavanje medicinske opreme proizvođača PHILIPS	MEDPOINT d.o.o. Ilijaš	Do 15.000,00 KM (po stvarno izvršenoj usluzi)
2.	Efektivni norma sat		95,00 KM

Izabrani ponuđač je izabran primjenjujući kriterij: Najniža cijena.

Iz navedenih razloga, primjenom člana 21. stav 1. tačka c), člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.



DIREKTOR
Zlatko Kravić
Prim. dr. Zlatko Kravić

Dostaviti:

- Ponuđaču: **MEDPOINT d.o.o. Ilijaš**
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a